

Skýrsla til sveitarsjórnar frá sveitarstjóra, skrifstofu og stofnunum sveitarfélagsins

Mars 2018

Markmiðið með samantekt þessari er að efla upplýsingaflæði milli stofnana sveitarfélagsins, til sveitarstjórnar og til íbúa. Sveitarstjóri, forstöðumenn og starfsmenn skrifstofu taka saman helstu verkefni liðins mánaðar auk þess að gera grein fyrir áætluðum verkefnum komandi mánaðar. Það er von okkar að með þessu náist að varpa meira ljósi á það sem er í gangi í sveitarfélaginu á hverjum tíma og hvað er framundan. Hver og einn starfsmaður vinnur sinn part skýrslunnar og er engu breytt, því getur formið verið breytilegt.

Frá sveitarstjóra – Andrea K. Jónsdóttir

Auk venjubundinna daglegra starfa voru verkefni sveitarstjóra helst þessi í mars: Mars byrjuðum við á fundi á Reykhólum þar sem fulltrúar sveitarfélaganna þriggja, Strandabyggðar, Reykkhóla og Dala komu saman og ræddu sameiginleg málefni, m.a. um gerð sameiginlegrar brunavarnaáætlunar og sameiginlegs slökkviliðsstjóra ásamt fleiru. Ég sat fund verkefnahóps BsVest þar sem m.a. var kynnt ákvörðun stjórnar um aukið starfshlutfall verkefnisstjóra og breytinga á skipulagi á starfi hennar þar sem hún mun færa starf sitt meira út til sveitarfélaganna. Stjórn Félagsþjónustu Stranda og Reykhólahrepps fundaði og samþykkti ársreikning félagsins. Íbúafundur var haldinn um miðjan mars í tilefni af bréfi frá íbúa þar sem ákveðnum áhyggjum og spurningum var velt upp. Fundurinn var ákaflega vel heppnaður en þar fóru sveitarstjórnarmenn yfir mál á fyrri hluta fundar og Skúli Gauta stýrði vinnuhópum á síðari hluta fundar. Kristinn Pétursson sem hefur lagt drögin að Austurgilsvirkjun fundaði með sveitartjórn þar sem hann kynnti nýja möguleika í virkjanakostum í Strandabyggð. Ég sat símafund vegna mögulegra tengipunkta raforku í tengslum við Hvalárvirkjun. Töluverð vinna hefur verið í tengslum við BsVest þar sem ýmsar breytingar eru í gangi og sem og núningur um framtíðarplön.

Frá forstöðumanni áhaldahúss – Sigurður M Þorvaldsson

Í mars komu á land um 110 tonn og skiptist það þannig að á landbeitta línu komu 57 tonn og í grásleppunet komu 53 tonn þar af 29 tonn af grásleppu, og byrjar grásleppu veiðin heldur betur enn árið 2017. Reiknað er með að 6 – 7 bátar komi til með að landa grásleppu hér á Hólmavík. Rækja sem kom með bílum var um 233 tonn nú í mars. 2 skip hafa komið og landað áburði eða c.a. 800 tonnum og er það heldur minna en í fyrra. Annars hafa bara verið hin venjubundin verk þ.e. ýmsar þjónustur við aðrar stofnanir sveitarfélagssins.

Frá félagsmálastjóra – María Játvarðardóttir

5. mars var fundur BsVest á Hólmavík. 9. mars var haldinn Aðalfundur FSR fyrir 2015 – 2016 og 2017.

21. mars fór undirrituð í veikindaleyfi fram yfir páska.

Að öðru leyti voru störf hefðbundin í málaflokkum félagsþjónustu. Verið er að undirbúa ráðningar fyrir sumarið og fer alltaf talsverður tími í starfsmannamál. Núna vantar starfsmann í heimaþjónustu frá maímánuði og einnig í Búsetuna í Miðtúni 15 frá ágúst mánuði.

Frá slökkviliðsstjóra – Einar Indriðason

Aðal störf hjá slökkviliði í mars voru þrif í stöð og ýmsar lagfæringar sem alltaf þarf að framkvæma, og síðan hefðbundið, að svara póstum og símtölum.

Það er að fréttu af bílnum að hann kemur í byrjun næsta mánaðar og fer þá á Ólafsfjörð í yfirbyggingu, en þar hafa menn þegar hafist handa við smíðina.

Fleira er ekki að fréttu í mars.

Frá skólastjóra – Hrafnhildur Guðbjörnsdóttir

Samræmd próf voru haldin dagana 7. – 9. mars og gengu vægast sagt brösuglega. Allir náðu að taka próf í stærðfræði en ekki í íslensku og ensku vegna tæknilegra vankanta á fyrirlögn prófsins af hálfu menntamálastofnunar. Ákveðið hefur verið að prófin verði lögð fyrir að nýju að vori eða hausti og verði þau nemendum valkvæð. Ekki hafa verið gefnar út dagsetningar.

Unglingadeildin fór í skíðaferð á Sauðárkrók og heimsótti Fjölbrautaskóla Norðurlands vestra á Sauðárkróki og kynnti sér starfið þar.

Stóra upplestrarkeppnin í 7. bekk var haldin á Hólmavík 22. mars. Þátttakendur komu úr 7. bekk Grunnskólanna á Reykhólum og Hólmavík og stóðu sig einkar vel.

Síðustu viku fyrir páskafrí var Jón Pétur Úlfjótsson danskennari á svæðinu og kenndi dans og hélt danssýningu fyrir foreldra þar sem nemendur sýndu sína bestu takta.

Allir nemendur skólans fóru í skíðaferð í Selárdal þar sem forsvarsmenn Skíðafélags Strandamanna tóku á móti hópnum og kynntu skíðagöngu fyrir hópnum.

Skólastjóri sótti fund forstöðumanna í Strandabyggð og fór í námsferð til Birmingham með skólastjórafélagi Vesturlands auk annarra daglegra fundahalda.

Frá forstöðumanni Íþróttamiðstöðvar – Birna Karen Bjarkadóttir

Switch sem kapall úr iðntölvu tengist í eyðilaggðist og kaupa þurfti nýjan. Hússtjórnarkerfið lá niðri á meðan.

Nýr þráðlaus punktur settur upp í Flosabóli, fyrverandi þráðlaus punkturinn var alls ekki skila góðu interneti, og var varla hægt að nota það áður.

Kaupa þurfti varahluti í ryksugu fyrir pottana en gamla ryksugan var brotin á tveimur stöðum

Keyptir voru nýjir dúkar á pottana vegna þess að þeir gömlu voru farnir að morkna og efnið dreyfðist um pottana.

Pottur 1 (heitari potturinn), hitaði sig mjög illa, skipta þurfti um varmaskipti fyrir pottinn. Einnig var skipt um pakkningu í sjálfvirku bakskolunar græjuna fyrir pottinn.

Stólarnir sem pantaðir voru úr pennanum eru komnir, og komnir í notkun.

Dansvika Grunnskólans á Hólmavík var haldin í Íþróttamiðstöðinni dagana 19-23 mars, á föstudeginum var síðan haldin danssýning og sýndur var afrakstur vikunnar.

Búið er að auglýsa fyrir sumarstörf og rann umsóknarfrestur fyrir störf sumarsins út 23. Mars.

Sundpróf verður 7. apríl og allir sem sóttu um hafa verið boðaðir í próf, í kjölfarið verður ráðið fyrir sumarið.

Lokað var vegna framkvæmda 26.- 30. Mars, mánudag- föstudags. Opnað var aftur laugardaginn 31. Mars.

Lokunin gekk vel, gert var við allar rakaskemmdir sem hafa orðið vegna leka á þaki seinustu ára, og síðan málað allt innanhúss nema íþróttasal og kjallara.

Skipt var um sturtuhausu í klefum

Bekkir í klefum heflaðir og lakkaðir

Eldhúsbekkur heflaður og lakkaður

Gerð voru alþrif á öllu innandyra

Frá skrifstofustjóra – Salbjörg Engilbertsdóttir

Mars

Ég hef aðallega unnið í afstemmingum og uppgjörum v. 2017 en einnig unnið í bókhaldi þessa árs eins og venjulega.

Afstemmingarnar taka aðeins meiri tíma þetta árið þar sem við tókum nýtt bókhaldskerfi í notkun í janúar 2017 og þá þarf að tileinka sér nýtt vinnulag. Ég tók einnig saman orlof starfsmanna svo allir geti nú skipulagt sumarfríin.

Framundan er vinna við ársreikning og endurskoðun með nýjum endurskoðanda og fer mest af mínum tíma í það í apríl. Ég verð í 2ja daga leyfi kringum sumardaginn fyrsta.

Félagsheimili

Mars

Strandagangan var haldin 10. mars og Leikfélagið/grunnskólinn æfði Halta Billa þar til þau fluttu sig í Braggan en sýningar voru haldnar þar nú um páskana.

Íbúafundur var haldinn 12. mars og var hann vel sóttur og Stóra upplestrarkeppnin var síðan haldin 22. mars. Við færðum nokkra stóla úr félagsheimilinu í Flugstöðina enda Félagshimilið í betri stöðu eftir stólakaup síðustu 4 ára þar sem keyptir voru 50 stk. árlega.

Frá leikskólastjóra – Alma Benjamínsdóttir

Faglegt starf:

Foreldraviðtölin voru tekin í marsmánuði þar sem farið var yfir stöðu hvers barns fyrir sig með foreldrum.

Jón Pétur kom og var með danskennslu fyrir 3 elstu árgangana. Börnin tóku svo þátt í sameiginlegri danssýningu með grunnskólanum. Kennslan stóð yfir 19. – 23. mars.

27. mars fengum við heimsókn frá eldri borgurum. Þeir komu með harmonikku með sér. Spiluð voru nokkur lög, sungið og dansað saman í hring. Lúlli löggubangsi kom með þeim og kíkta á krakkana og fengu þau að heyra sögur um hann.

Vel hefur gengið í faglegu starfi eldri deildar. Hægt hefur verið að fylgja öllu skipulagi eftir og sinna þeim verkefnum sem fyrir liggja. Aðeins erfiðar hefur gengið hjá yngri deildinni að ná utan um skipulag og verkefni. Ræðst það aðallega af því að það er búið að vera mikið að gera hjá starfsfólki við aðlögun ungra barna inn á deildina og hefur það svolítið litað starfið. Starfsfólkið leggur sig samt vel fram við að reyna að ná utan um verkefni og tel ég að þetta fari að ganga betur þegar litlu krílin fara að venjast betur nýjum aðstæðum.

Eitt barn nýtur þjónustu talmeinafræðings hjá Tröppu og gengur það með ágætum. Stoðþjónustan heldur þétt utan um 5 einstaklinga auk þess að vera með fínhyfipjálfun fyrir eldri deildina og ráðgjafastarf fyrir báðar deildar. Einnig hefur verið þónokkuð utanumhald þennan mánuð vegna umhverfisverkefna leikskólans.

Starfsmenn:

1. mars kom nýr starfsmaður til starfa, Kristín Oddsdóttir. Hún er í 100% vinnu á yngri deild leikskólans. Hún kemur til með að starfa fram á sumarið en í lok sumars fer hún í fæðingarorlof.

5. mars var fyrirkomulagi ræstinga breytt. Nú er skólinn skúraður eftir lokun á daginn. Öll önnur þrif á skólanum fara enn fram á dagvinnutíma.

Starfsmannasamtöl voru tekin vikuna 26. – 30. mars. Náðust öll nema eitt. Samtalið sem út af stendur verður tekið í vikunni 9. – 13. apríl. Unnið verður úr niðurstöðum viðtalanna í samráði við sveitarstjóra.

Nemendur:

Lengt var við vistunartíma allra barnanna sem voru ekki í fullri vistun og eru núna aðeins tvö barnanna með minni vistun en 8 tíma á dag.

Fundir – símenntun:

Starfsmannafundur var með Björk frá Tröppu. Hún er að aðstoða okkur við innleiðingu á nýrri uppeldisstefnu sem gengur undir heitinu Jákvæður agi. Var þetta fyrsti fundur hennar með starfshópnum í þeirri vinnu.

Starfsdagur var 12. mars. Þá var haldið skyndihjálparnámskeið á vegum Rauða krossins. Ingibjörg Emilsdóttir kenndi á námskeiðinu.

15. mars fór Alma á fund á Blönduósi vegna þróunarverkefnis í læsi.

Framundan:

Á næstu dögum verður auglýst eftir leikskólakennara í starf deildarstjóra fyrir næsta vetur. Stefnt er að því að auglýsa á landsvísu 14. apríl og á Strandabyggðarvefnum fljótlega eftir það.